




DESCRIPCION DI PORTRET: E portret di ayeratardi ta muestra cu pariba di Aruba tabata tin un area di nubia cu ta cubri te Zuidooost di Trinidad. E nubianan aki tabata produci awacero. Na diferente otro parti di region Caribense por a nota mes tipo di nubia. Actividad di e Zona di Convergencia Intertropical por a worde nota por lo general levemente, na Panama, Costa Rica, y e parti Andino di Venezuela y Colombia.

PRONOSTICO: Pa awe por spera un cielo parcialmente, de bez en cuando hopi nubla, cu awacero de bez en cuando. Biento lo ta modera de bez en cuando basta fuerte for di pariba. E aire cu ta alcanza Aruba ta basta humedo y instabil.

Protesta Cont. di pag. 13

aki ta bini, es decir kende lo paga pe.

Ademas, ta ki garantia pueblo tin cu e lo haya un awa salubable despues di e movimiento. Shonnan, compronde bon cu e pueblo di awe no ta boso mas. Aruba ta un pais hopi chikito pa sorto di Gobernantenan asina pensa cu ta hende siego of bobo ta biba na Aruba. Tambe si awe of mañan e pueblo dicidi di acepta pa dreña den un estado di comunismo, mester gradici saki na e propio politico-nan cu ta pretende di ta democratico pero ta aplicando e sistema di comunismo na un manera invisible.

Apreciable pueblo, tambe mi no kier laga di bisa cu mi a compronde cu Gobierno tin un ley pa Staten pa haci "safety belt" den auto obligatorio. Shonnan mi ta kere cu e ley aki ta trece un gasto adicional pa un pueblo.

Segun mi por a compronde cu tin cierto miembronan di Staten ta bin dilanti pantaya di television predicando hopi cos, haciendo como si fuera cu e introduccion di e ley aki ta stima nan ta stima e pueblo.

Shonnan compronde mi bon cu si tin safety-belt of si no tin safety-belt, si bo ta di muri lo bo muri toch. Loke Gobierno mester haci ta pone ehempel-nan, na e cruzadanan di luznan di trafico. Mester bin mas control ariba e trafico pa asina crea mas seguridad. Eynan sigur Gobierno lo haya entrada hopi mas cu e asunto di

safety belt pasobra mayoria di auto ta bin instala cu e safety belt caba. Mi ta compronde cu ta un compinchi politico lo worde beneficia cu e ley aki. Si no ta asina, anto

Gobierno mester duna e pueblo e berdad! Giovanni Christiaan Janga, shopsteward FTA na Holiday Inn. Direccion conoci pa redaccion.



Antayera a tuma lugar kimamento di Rey Momo na Club R.C.A. E parada no tabata mes grandi cu aña pasa, pero tabata tin hopi ambiente y hopi publico cu a acompaña Rey Momo pa RCA.

RESULTADO SORTEO CONCURSO di

SUPERMERCADO C.A.D.A.

enconecion cu CARNAVAL.

PROME PREMIO

SR. ROY MADURO HATO 5

SEGUNDO PREMIO;

MARIA G. MADURO BUENA VISTA 27.



Horoscopo



ARIES

Maart 21 - April 19

Bo amigonan por ta contrario cu nan ideanan di loque abo ta pensa. Number di suerte awe: 13



TAURUS

April 20 - Mei 20

Discucionnan por bira peor entre bo pareha y bo familia. Number di suerte awe: 32



GEMINI

Mei 21 - Juni 20

Viajanan corto no ta util specialmente den e siman aki. Number di suerte awe: 88



CANCER

Juni 21 - July 22

Dedica bo tempo cu bo por pa bo caba cu bo trabaonan. Number di suerte awe: 09



LEO

July 23 - Augustus 22

E harmonia den bo cas lo drecha y quizas hasta lo bay tin un cambio. Number di suerte awe: 45



VIRGO

Augustus 23 - September 22

No ta bon dia pa cambia di trabao, bay pense mihor. Number di suerte awe: 54



LIBRA

September 23 - October 22

Miembronan di familia lo coopera cu bo y nan lo yudabo den bo trabao. Number di suerte awe: 17



SCORPIO

October 23 - November 22

Awe bo por recupera e equivocacionnan di ayera. Number di suerte awe: 65



SAGITARIUS

November 23 - December 21

Por surgi confusion ya cu familia lo no ta di acuerdo cu bo awe. Number di suerte awe: 87



CAPRICORNIO

December 21 - Januari 19

Demostra bo mes mas independiente y obedece solamente bo impulsonan. Number di suerte awe: 70



ACUARIUS

Januari 20 - Februari 18

Evita e sarcasmo y brutalidad cu bo amigonan. Number di suerte awe: 46



PISCES

Februari 19 - Maart 20

Tur loque ta relaciona cu bo familia lo ricibi mas atencion awe. Number di suerte awe: 24